

01

DAMBII NAAMUSAA
MIIDIYAA HAWAASAA

#defyhatenow

ITTI GAAFATAMAA TA'UU

Ergaa ifa ta'e maxxansaa. Qabiyyee maxxansitaniif itti gaafatamummaa fudhadhaa.

SIRRII TA'UU

Yeroo hunda maddoota mirkaneessaa akkasumas dhugaawwan keessan ilaali

AMANAMAA TA'UU

Oduu ykn Odeeffannoo sobaa hin facaasinnaa

BARAA TA'I: MIIDIYAA HAWAASAA
IRRATTI MAXXANSAA

- Dambiiwwan hunda kabajuu ibsa: mirga waraabii, iccitii fi ergaa hin barbaadamne
- Haala Hayyama CC (tokkummaa kalaqaa) ilaali
- Hojii abbaa mirga waraabiiitiif beekamtii kennuu fi wal qixa qooduu

HAAQA QABEESSAA FI OGEESSA TA'UU

- Yaada kallattiin nama biraatti hin dubbanne hin maxxansinaa.
- Yeroo hunda osoo hin maxxansiin dura namoonni akkamitti deebii kennuu akka danda'an ilaalaa.

“KAAYYOO KEESSAN MAALI?”

Yeroo hunda wal danda'uu, wal kabajuu fi waliin ta'uu jajjabeessuuf hojjedhaa.

- Hirmaannaa Hawaasaa.
- Geengoo hawaasaa haaraa fi diyaaspoorota Itoophiyaa bira gahuu
- Biraandii #HateFreeEthiopia Ijaaruu (namoota toora interneetii fi toora interneetiin ala hirmaachisuu)

Tiwiitiin, barreeffamni biloogii, barreeffamni feesbuukii, ykn yaadni ykn deebiin hundi akka armaan gadii ta'uu qaba:

- Hawaasa onlaayinii irratti yaada garii fi kabaja kan qabu
- Salphaa fi hubachuuf salphaa kan ta'e
- Hirmaannaa gaaffii ykn waamicha hojiitiin hirmaachisu.
- Siyaasa hin kan qabne/siyaasa irra bilisa kan ta'e
- Afaan, caaslugaa fi bifa sirrii ta'e
- Fakkiidhaan kan nama kakaasu (suuraa, jedhama ykn viidiyoo).
- Maddootaa fi adeemsa calaqqisiisuuf hashtags (#), handles (@maqaa) fi maallattoolee fayyadamuu

03

HAASAA JIBBIINSAA/
BALAAFAMAA OFIRRAA ITTISUU

Seeneffama Faallaa fi Filannoo

Seeneffamni faallaa ergaawwan jibbiinsaa kallattiin deebii kennuu fi mormuu falmii faallaa taasisuun dhugaa jiru fi falmii faallaa fayyadamuun ergaalee haasaa jibbiinsaa hambisuu fi gatii dhabsiisuudha. Faallaa kanaatiin seeneffamni filannoo yaada gaarii fi hunda hammate guddisuu irratti kan xiyyeeffatu yoo ta'u yaadota nama ijaaran kan hawaasa haasaa jibbiinsaa babal'isan dabalatee ilaalcha haaraa hubannoo keessa galchuuf kan jajjabeessuudha. Tarsimoowwan lamaanuu seenaa gaarii beeksisuu fi seeneffama miidhaa qaban jibbiinsaa xiqqeessuuf kan kaayyeffataniidha.

Seenaawwan filannoo afran baay'inaan beekaman kanneen armaan gadiiti:

Seenaa Filannoo Dhugaa: Seenaan filannoo kun haasaa jibbiinsaa ittisuuf odeeffannoo sirrii ragaa irratti hundaa'ee dhiheessa. Daataa, istaatiistikii fi maddoota amanamoo ta'an

fayyadamuun komii sobaa kan hammbisuu fi dhaggeeffattoota kan barsiisudha.

Seenaa Filannoo Safuu: Seenaan kun duudhaalee safuu fi naamusaa kan hammatu yoo ta'u duudhaalee dhalii namaa waliin qabuu fi gara laafina cimsa. Innis Miidhaa haasaan jibbiinsaa namoota dhuunfaa fi hawaasa irratti qabu ni ibsa.

Qoosaa fi Qeeqa: Haasaa jibbiinsaa qeequuf ykn qoosuuf qoosaa fi jechoota garmalee ol kaasuun sirritti dhimiicha ibsanitti fayyadamuu, kunii akka qoosaa ta'etti akka mul'atu taasisa. Dhaggeeffattoota qoosaadhaan kan bobbaasu yoo ta'u abshaalummaa haasawa jibbiinsaa irratti akka xiinxalan kan jajjabeessudha.

Seenaa Filannoo Gaarii: Seenaan kun seenaa fi fakkeenyoata gaarii haasawa jibbiinsaa mormanii fi ilaalcha hunda hammate guddisan ni jajjabeessa. Seenaa milkaa'inaa fi gumaacha gaarii kun gareewwan xiyyeeffannoo argatan kakaasuu fi olkaasuu hammata.

02

MIIDHAA SALA IRRATTI
HUNDEEFFAMUMiidhaawwan Koorniyaa
Irratti Bu'uureffatu Ittisuu

Hubannoo fi barumsi ilaalcha, aadaa, barteewwan fi amaloota miidhaa qaban jijjiiruuf hojiiwwan odeeffannoo, qunnamtii fi barumsaa haala tarsiimaawaa ta'een itti fayyadamuudha.

Sochiin Hawaasaa miseensota hawaasaa fi hoggantoota naannoo miidhaan koorniyaa ittiin ittifamu fi deebii kennuu irratti tarkaanfii waloo akka fudhatan hirmaachisuu, gurmeessuu fi humna kennuu of keessatti qabata.

Fooyya'iinsi Seeraa fi Imaammataa seerota, dambiiwwanii fi imaammata miidhaa koorniyaa ittisuu fi furmaata bu'a qabeessa ta'e kennuudhaaf bahan fooyyessuu, tumuu ykn cimsuu of keessatti qabata.

Diinagdeen Angoomsuu walabummaa maallaqaa fi humna murtee kennuu namoota dhuunfaa keessumaa dubartootaa fi gareewwan dhiibamanii ni dabalata

Mala Miidhaa Koorniyaa Irratti Bu'uureffateef Furmaata Itti Kennan

Wiirtuu dhaabbii-tokkoo bakka kenniinsa tajaajilaa walitti hidhame yoo ta'u namoonni jeequmsa koorniyaa irratti hundaa'een midhaman tajaajila barbaachisoo hedduu mana tokko jalatti argachuu bakka itti danda'aniidha.

Tajaajilla eegumsa fayyaa jechuun bu'aa fayyaa qaamaa, miiraa fi miidhaa koorniyaa furuuf deeggarsa yaalaa fi gargaarsaa xiinsammuu battalaa, yeroo gabaabaa fi

yeroo dheeraa ogeeyyii fayyaa leenji'aniin kennamu jechuudha.

Deeggarsa Seeraa tajaajilaa fi gargaarsa adda addaa miidhamtootaaf kennamu kan hammatu yoo ta'u sirna haqaa karaa idileetiin (fkn manneen murtii, poolisii) yookan karaa al-idileetiin (fkn tooftaalee aadaa ykn hawaasaatiin) akka hubatan, akka barbaaddatanii fi akka argatan isaan gargaaruu, eegumsa akka argatan taasisua, yakkamtootni akka itti gaafataman taasisuu fi mirga isaanii akka gaafatan gargaaruu kan hammatudha.

Da'oo fi gargaarsa hawaasaa namoonni miidhaan koorniyaa irraa gahee balaa hatattamaa jalaa akka miliqaniif, jireenya isaanii tasgabbeessuu fi adeemsa fayyinaa fi deebi'anii hawaasatti makamuu akka jalqaban gargaaruudhaf eegumsa, gargaarsa fi deeggarsa qabatamaa taasifamuudha.

Mala Bulchiinsa Dhimmaa: Mala kana keessatti ogeeyyiin leenji'an kan akka hojjettoonni hawaasummaa ykn hojjettoonni dhimmaa fedhii namoota miidhaan koorniyaa irraa gahee ni ilaalu, karoora kunuunsaa dhuunfaa ni qopheessu akkasumas tajaajila adda addaa argachuu ni qindeessu kunis fayyaa, deeggarsa xiinsammuu hawaasaa, karoora nageenyaa, gargaarsa seeraa fi da'oo kennuu dabalata.

Tooftaaleen ittisaa fi furmaata kennuu malota waliigalaa miidhaa koorniyaa hambisuuf barbaachisoo ta'aniidha akkasumas jijjiirama yeroo dheeraa fi deeggarsa hatattamaa namoota midhamaniif kennuu kan kaayyeffataniidha.

04

QAJEELFAMA GAAZEEXEESSUMMAA
NAAMUSA QABUU

Haasaa Jibbiinsaa irrattio gaazexeessitoonni fi gulaaltonni xiqqoo dhaabbatanii yeroo fudhatanii dhiibbaa qabiyyee nama aarsu, nama miidhuu **danda'u murteessuu qabu**. Qormaanni qabxii 5 kun kan Neetworkii Gaazexeessummaa Naamusaatiin qophaa'e, gaaffilee oduu walitti qabuu, qopheessuu fi tamsaasuun kan calaqqisiisu yoo ta'u, waan dubbatamee fi eenyu akka jedhe **haala naamusaa abuu kaa'uuf gargaara**.

HAALA NAMA DUBBATEE

- Ejjennoon isaanii kaka'umsa isaanii irratti dhiibbaa akkamii geessisuu danda'a?
- Dhaggeeffatamuu qabu moo irra darbamuu qabu?

QAQQABIINSA HAASAA

- Haasaan kun hangam fagaatee deema jira?
- Akkaataan amala jiraa?

GALMOOTA HAASAA

- Nama dubbatuu fi fedhii isaanii akkamitti fayyada?
- Itti yaadamee namoota biroo irratti miidhaa geessisuudhaaf kan barbaadameedhaa?

QABIYYEE ISAA

- Haasaan kun balaa qabaa?
- Namoota biroo irratti jeequmsa kakaasuu danda'aa?

HAALA HAWAASAA * DIINAGDEE * SIYAASAA

- Eenyuutu haala badaadhaan miidhamuu danda'a?
- Seenaan waldhabdee ykn loogii ni jiraa?

HIN MIIREFFATAINAA!
MAXXANSUUF HIN ARIIFATINAA
IBSUUF YEROO FUDHADHAA

05

AARTII NAGAAF #
ARTIVISMIIAartiin Fayyina Waldhabdee
Boodaatiif

Aartiin sirratti akka dubbatu ni godhin-dubbii #Artivizimii Hubachuu

Aartii: Aartiin hojiiwwan miidhaginaa qaban, miira kakaasan ykn seenaa himaman, aartii mul'atu, aartii agarsiisaa fi ogbarruu dabalatee miidiyaalee adda addaa irratti dandeettii fi yaada uumaa namaa ibsuu ykn hojiirra oolchuudha.

Aktiivizimiin jijjiirama hawaasummaa ykn siyaasaa galmaan ga'uuf tarkaanfii fudhachuu fi duula ciminaan gaggeessuuf ni garagaraara.

#Artivizimii: Ogummaa akka meeshaa ykn waltajjii sochii hawaasummaa ykn siyaasaatti fayyadamuudha.

Ogummaa mormii: Ogummaa dhimma hawaasummaa ykn siyaasaa murtaa'e tokkotti quubsaa ta'uu dhabuu ibsuuf qophaa'uudha.

Ogummaa deebisanii dhaabuu: namoota dhuunfaa fi hawaasni miidhaa qaamaa, miiraa fi xiinsammuu irraa akka fayyan gargaaruuf bifa Ogummaa fayyadamuudha.

Ogummaan godaannisa fayyisa – iniis akka armaan gadiitti

Waan hin mul'anne ibsa: Ogummaan namoota dhuunfaa miidhaan qaamaa irra ga'e bifa dubbiin ala ta'een ibsuuf haala nageenya qabu uuma.

Dandeetti damdamachuu uuma: Ogummaan dhiphinaa fi yaaddoo namoota karaa fayya qabeessaa ta'een kan dhabamsiisu yoo ta'u namoonni miira gaarii akka qabaatan taasisa.

Ofitti amanamummaa ijaara: Adeemsi Ogummaa miira galma ga'iinsaa guddisuu fi ofitti amanamummaa kan ijaarudha.

Madaa fayyisa akkasumas araraa uuma: Pirojektoonni Ogummaa hawaasa giddutti walitti dhufenya, gara laafina fi wal hubachuu guddisu.

Hawaasa deebisee ijaara: Ogummaan tumsaa miira kaayyoo waliinii fi abdi egereee guddisa.

“Nagaan ana keessaa jalqaba”

GALATA

kaayyoowwan #defyhatenow:

- Haasaa jibbiinsaa, dubbii waldhabdee fi kallattii toora interneetii irratti jeequmsaaf kakaasuu miidiyaa hawaasaa irratti hundaa'e ittisuuf hubannoo ol guddisuu fi malawwan uumuu.
- Iddicha bakka buutota walitti bu'iinsaatiif banaa godhanii dhiisuu irra 'namoota dhiibbaa gaarii qaban' kanneen lafa miidiyaa hawaasaa dhuunfatan irraa waraabuun sagalee nagaa ijaaruu fi ergaa faallaatiin guddisuu.
- Diyaaspooraa addunyaa gara bu'uura ijaarsa nagaa toora interneetii irratti fiduu
- Hanqina beekumsaa fi hubannoo mala miidiyaa hawaasaa kanneen teeknooloojii argachuu danda'anii fi kanneen hin qabne gidduu jiruuf riqicha kaa'uu.

http://defyhatenow.org
info@openculture.agency


© 2025 r0g_agency for open culture and critical transformation gGmbH Berlin

Yaad-rimee: r0g_agency gGmbH Barliin: Isteehan Koovaats fi Suuzaan Beellinghaawusen
Yaad-rimee Arkiteektii Qajeelfama Dirree, Gulaalaa fi Taphaa: Joodii Rooz fi Yemissiraacha Yenabbark
Dizaayinii Qajeelfama Dirree Itoophiyaa fi Poostara A1: Yemissraach Yetnabbark
Ibsawwan fi Tapha Itoophiyaa: Yemissraach Yetnabbark
Hojii Gaggeessaa Biyya Itoophiyaa: Biruk Mazgabuu
Qajeelfama Dirree Arkiteektotoa: Kendi Gikunda fi Bileen Gabrahiwoot Dastaa

MAXXANSA Itoophiyaa bara 2017

#defyhatenow #ThinkB4UClick #HateFreeEthiopia

#defyhatenow Qajeelfamni Dirree Haasaa Jibbiinsaa Salphisuu Miidiyaa Hawaasaa Hayyama Idii-addunyaa "Creative Commons Attribution- ShareAlike 4.0" jalatti hayyamameera.



Haasaa jibbiinsaa miidiyaa hawaasaa ittisuuf jalqabbii #defyhatenow jedhamu kun maallaqaan kan deeggaramu r0g_Agency aadaa banaa fi jijjiirama murteessaa gGmbH, Barliin irraati.

